

I proverbios par duc'.

A chel mùs che nol puarte baste, no si dai
vene.

Cui c' al à buine volontât ciate da fá par dut.

La misèrie jé une gran scuele.

Cui che al à buine voe di lavorá — l'è plui
sior di cui c' al à sîs ciamps di ará.

Cui c' al è usât a lavorá, nol sta di bant.

Jùditi che ti judarai ance jo.

Bisugne dási lis mans atòr e no spietá la
mane dal cil.

Ognùn fasi ce che al pò.

Dal dit al fat — passe un gran trat.

Farai l'è fradi di no fá mai.

Cu' lis ciàcaris no si conclût nuie.